



Ann. XV.

ROMAE, Mense Ianuario MCMXII

Num. I.

# VOX VRBIS

DE LITTERIS ET BONIS ARTIBUS COMMENTARIUS

**Semel in mense prodit**

CONDIDIT ARISTIDES LEONORI EQVES

POSSIDET ATQUE ADMINISTRAT SOCIETAS EDITRIX ROMANA

**Pretium annuae subnotationis, est:**

**In Italia: Libellorum 6**

**ubique extra Italiam: Lib. 9 (Doll. 1,80; Sch. 7; M. 7; Rubl. 4; Coron. 9)**

ANTE SOLVENDUM ET RECTO TRAMITE MITTENDUM

**AD SOCIETATEM EDITRICEM ROMANAM**

**ROMA — Via delle Coppelle, 35 — ROMA**

**SUBNOTATIO EXTRA ITALIAM FIERI POTEST:**

**IN RUSSIA**

**IN ANGLIA**

**IN CANADA**

Gebethner et Wolf

Kronika Rodzinna ..

Burns and Oates

Librairie Granger Frères

Warszawa Polna

Warszawa Polna

London W.

Montreal

Krakowskie Przedmiescie, 15

Krakowskie Przedmiescie, 6.

28, Orchard Street.

1699, Rue Notre-Dame

# VOX URBIS

DE LITTERIS ET BONIS ARTIBUS COMMENTARIUS

## Rerum index:

**Praemia ann. MCMXI sociis attributa.**

**An aliquis detur dogmatis evolutio.**

**Petro Parvensio cognomine « Querituri », Polonorum vati latidico, GGG recurrente anno ab eius obitu.**

**Soli lapidarii elementa. De inscriptionibus nummariis. — De rerum privatarum titulis. — De inscriptionibus poeticis.**

**Paroculus sive adagis: Litus arare. — Arenam metiri. — Undas numerare. — Burdo oppedere. — Delphinum cauda ligare. — Cauda tenere anguillam.**

**Mares subaequales. I. De potui quam Arcadiceam dicunt. — II. De hominum inistitia et de vulgari plausu contemnendo.**

**De aliquot puorum lodiis in Italia. Pila venenata.**

**Colloquia latina. Varia petitur facultas egrediendi schola.**

**De Sociis Magis nonnulla.**

**Acta Pontificia. I. Constitutio Apostolica de nova psalterii in breviario romano dispositione. — II. Motu proprio de trahentibus clericos ad tribunalia iudicum laicorum.**

**Ex Sacris Congregationibus Romanis sententiae novissimae selectae. Ex Congregatione Consistoriali. — Ex Congregatione Rituum. — Ex Secretaria Status.**

**Diarium Vaticanum. Coram SSmo. admisiones. — Pontificiae electiones. — Varia.**

**Annales. Annus MCMXI.**

**Publici per orbem coetus legibus ferendis.**

**Per orbem.**

**lecti.**

**Aenigmata.**

**Appendix: Eupilus.**

## PRAEMIA AN. MCMXI SOCIIS ATTRIBUTA

Vix superioris mensis *Vocis Urbis* nostrae fasciculus editus est, doctorum virorum collegium, ad id constitutum, convenit, ut singularia praemia trium numismatum argenteorum ex iis, quae Pontifex Maximus quotannis in festo Apostolorum Principis cudi iubet Sacro Purpuratorum Senatui, Romanae Curiae aulicisque pontificiis distribuenda, iuxta normas mense Decembri MCMX constitutas, assignaret.

Quae quidem numismata erant prouti sequitur distribuenda: unum collegio, aut Seminario, aut scholae illi unde plurima soluta oratione scripta cuiuslibet argumenti publicatione digna ad nos per annum MCMXI pervenerint; reliqua duo sociis illis, quorum scripta pariter per annum in commentario vulgata, commendata maxime fuerint.

Sed heu! circa numismatis primi adsignationem facile compertum est eam nobis in spe magis, quam in re ponendam esse; nullum enim scriptum nomine collegii cuiusvis per annum missum fuit; quod non uni nos dolumus, sed - ecquid tacebimus? - ipse Pontifex Summus, qui, quum h. sc. diebus pro Eius benevolentia moderatorem nostrum ad privatum colloquium coram se admisisset, valde cum eo conquestus est de neglectu latini sermonis in ipsis illis Seminariis, apud quae praesertim in maximo honore esse deberet.

Quum autem de reliquis numismatibus adiudicandis actum est, facile apparuit, si carmina nonnulla satis probabilia - pro quibus nullum constitutum erat praemium - a sociis provenissent, de scriptis, contra, soluta oratione unum tantum prae-

ceteris commendari posse, quamquam ex omni parte haud absolutum; commentationes dicimus THEODORI T. CHAVE « de studiis quibus eget res latina », cui propterea egregio viro unice attributum est praemium.

\*\*\*

Sunt itaque ad ann. MCMXII numismata quattuor inter socios distribuenda, qui, ad fovendam latinatatem, egregiam scriptoris operam in nostro Commentario contulerint; duo scilicet elapsi anni, uti supra, residua; ac duo, quae, iuxta regulas in superiore numero edictas, ultra posuimus.

Liceat nobis animo nunquam fracto pro latina re appetere, ut felix magis qualiscumque huius nostri certaminis exitus futuro Ianuario mense possit enuntiari!

SOCIETAS EDITRIX ROMANA.

## An aliquis detur dogmatis evolutio

Modernistarum sententia est, prouti in Epistola *Pascendi* Pii P.P. X legitur, « evolvi ac mutari dogma non posse solum, sed oportere. » Theoria huiusmodi cum Vaticani Concilii Decreto (*De fide et ratione*, can. III. *Denz.*, 1665) conciliari nequit, quum ibi legatur: « S. q. d. fieri posse, ut dogmatibus ab Ecclesia propositis, aliquando secundum progressum scientiae sensus tribuendus sit alius ab eo, quem intellexit et intelligit Ecclesia, a. s. » Multoque minus conciliari potest cum sacrae Theologiae veritate. Siquidem non apparet, quomodo, posita dogmatis mutatione Modernistarum in sensu, eiusdem dogmatis immutabilitas, Ecclesiae identitas

# VOX URBIS

## DE LITTERIS ET BONIS ARTIBUS COMMENTARIUS

Usum latini sermonis per orbem universum tuctur ac fovet

*Itaque, latine omnino exarata, scripta edit, quae populos omnes aliquo modo attingant, a publica re ad bonas artes, a litteris ad historias, a philosophicis ad sociales quaestiones, a nunciis et significationibus ad simplices et facili stylo expressas descriptiones, narratiunculas, dramaticas actiones; ab antiquitatis scientia ad dialogos vitae argumenta maxime communia tractantes, unde colloquia latine inire atque alere detur; a doctorum virorum scriptis nondum vulgatis aut parum cognitis ad primas adolescentum exercitationes, quae incitamentum veluti in palaestra eorum conatibus conferant; a Pontificiis denique documentis praecipuis ad iuris regulas in S. Congregationibus inductas; haec omnia ut quisque vel ex dissitis regionibus, aut cultu, doctrina, animi proclivitate, artibus alter ab altero difformis per commentarium eundem explere desideria sua possit.*

PRETIUM ANNUAE SUBNOTATIONIS EST:

**In Italia libellarum 6;**

**ubique extra Italiam: Lib. 9 (Doll. 1,80; Sch. 7; M. 7; Rubl. 4; Coron. 9)**

ANTE SOLVENDUM ET RECTO TRAMITE MITTENDUM

**ad Societatem Editricem Romanam**

**ROMA — VIA DELLE COPPELLE, 35 — ROMA**

**QUAE COMMENTARIUM POSSIDET NUNC ATQUE ADMINISTRAT.**

Sic et iustitia (nam idem Deus iustitiae et creaturae) primo fuit in rudimentis, natura Deum metuens; dehinc per Evangelium efferbuit in iuventutem; nunc per Paracletum componitur in maturitatem. »

Eadem Vincentius Lirinensis (1) docet: « O Doctor... pretiosas divi dogmatis gemmas exculpe, fideliter coapta, adornasapienter, adicesplendorem, gratiam, venustatem. Intelligatur, te exponente illustrius, quod ante obscurius credebatur... Eadem tamen quae didicisti doce, ut quum dicas nove, non dicas nova... Sed forsitan dicet aliquis: Nullusne ergo in Ecclesia Christi profectus habebitur Religionis? Habebitur plane, et maximus. Nam quis ille est tam invidus hominibus, tam exosus Deo, qui istud prohibere conetur? Sed ita tamen ut vere profectus sit ille fidei, non permutatio... Crescat igitur oportet et multum vehementerque proficiat tam singulorum quam omnium, tam unius hominis, quam totius Ecclesiae, aetatum ac saeculorum gradibus, intelligentia, scientia, sapientia, sed in suo dumtaxat genere, in eodem scilicet dogmate, eodem sensu, eademque sententia. Imitetur animarum religio rationem corporum: quae licet annorum processu numeros suos evolvant et explicent, eadem tamen quae erant permanent... Christianae Religionis dogma sequatur has decet profectuum leges, ut omne scilicet consolidetur, dilatetur tempore, sublimetur aetate, incorruptum tamen illibatumque permaneat... Fas est etenim ut prisca illa caelestis philosophiae dogmata processu temporis excurentur, limentur, poliantur, sed nefas est ut commutentur, nefas est ut detruncentur, ut mutilentur. Accipiant, licet, evidentiam, lucem, distinctionem; sed retineant necesse est plenitudinem, integritatem, proprietatem... Quid unquam aliud Conciliorum decretis enisa est (Ecclesia) nisi ut quod antea simpliciter credebatur hoc idem postea diligentius crederetur, quod antea lentius praedicabatur, hoc idem postea instantius praedicaretur, quod antea securius colebatur hoc idem postea excoleretur? »

M. Canus (2) quoque scribit: « Dogmata fidei, sive Christus ipse per se apostolis revelarit, seu Spiritus Sanctus post Christi ascensionem in caelum, mutari non possunt... In illis quae antiquorum sunt ingenio ac diligenter elaborata, nonnihil nos christiano populo, si volumus, praestare et quidem utilissime possumus. Possumus enim vetustis novitatem dare, obsoletis nitorem, obscuris lucem, fastiditis gratiam, dubiis fidem, omnibus naturam suam, et naturae suae omnia. » Brevitatis causa, scriptorum recentiorum testimonia relinquimus, atque Doctoris Angelici mentem referimus. (3)

\*\*\*

S. Thomas dogmatis evolutionem, manente dogmatis essentia immutata, docet, quum asserat:

(1) *Cons.* I, 22-23 M. 30-367.

(2) *De loc. theol.*, I. III c. V; I. VII, c. IV.

(3) Cf. circa mentem recentiorum, PRSCH, *Propaed.* Sect. V, n. 326, 330. — TIERBONT, *Histoire des dogmes*, I, introd. nota p. 7. — DE LA BARRE, *La vie du dogme catholique*. — POURRAT, *La théologie sacramentaire*. — KRAUS, *Lehrbuch d. Kirchengeschichte* ss. 2. « Es gibt eine kirchliche Dogmenentwicklung. » FEI, *De Dogmatis evolutione*.

a) Dogmata quaedam in aliis implicite contineri: « Omnes articuli implicite continentur in aliquibus primis credibilibus, scilicet ut credatur Deum esse, et providentiam habere circa hominum salutem, secundum illud ad Hebr. XI, 6: Credere oportet accedentem ad Deum quia est, et quod inquirentibus se remunerator sit. In esse enim divino includuntur omnia quae credimus in Deo aeternaliter existere, in quibus nostra beatitudo consistit: in fide autem providentiae includuntur omnia quae temporaliter a Deo dispensantur ad hominum salutem, quae sunt via in beatitudinem; et per hunc etiam modum aliorum subsistentium articulorum quidam in aliis continentur et incarnatio Christi, et passio, et omnia huiusmodi. » (1)

b) Dogmata, quantum ad eorum explicationem, crevisse: « Dicendum est, quod quantum ad substantiam articulorum fidei, non est factum eorum augmentum per temporum successionem: quia quaecumque posteriores crediderunt, continebantur in fide praecedentium patrum, licet implicite. Sed quantum ad explicationem crevit numerus articulorum: quia quaedam explicite cognita sunt a posterioribus, quae a prioribus non cognoscebantur explicite. Unde Dominus Moysi dicit, (*Exod.* VI, 2 et 3): Ego sum Deus Abraham, Deus Isaac, Deus Iacob, et nomen meum Adonai non indicavi eis; et David dicit, (*Psal.* cxviii, 100): Super senes intellexi; ed Apostolus dicit (*ad Ephes.* III, 5): Aliis generationibus non est agnitus mysterium Christi, sicut nunc revelatum est sanctis apostolis eius et prophetis... — Plura symbola... in nullo alio differunt nisi quod in uno plenius explicantur quae in alio continentur implicite, secundum quod exigebat haereticorum instantia. » (2)

c) Respectu dogmatum dari in humana cognitione progressum: « Profectus cognitionis dupliciter contingit: uno modo ex parte docentis, qui in cognitione proficit, sive unus, sive plures, per temporum successionem, et ista est ratio augmenti in scientiis per rationem humanitus inventis; alio modo ex parte addiscentis, sicut magister, qui novit totam artem, non statim a principio tradit eam discipulo, quia capere non posset, sed paulatim, condescendens eius capacitati; et hac ratione profecerunt homines in cognitione fidei per temporum successionem. Unde apostolus (*ad Galat.*, III) comparat statum Veteris Testamenti pueritiae... Oportuit quod ab imperfectis ad perfectum procederet cognitio fidei in hominibus; et licet in hominibus quidam se habuerint per modum causae agentis, quia fuerunt fidei doctores; tamen manifestatio spiritus datur talibus ad utilitatem communem, ut dicitur (*I ad Cor.*, XII): et ideo tantum dabatur patribus, qui erant institutores fidei, quantum oportebat pro tempore illo populo tradi, vel nude, vel in figura. » (3)

Romae

REGINALDUS M. FEI O. P.

(1) 2<sup>ae</sup> p. 1, 7. — (2) *Ib.*, a. 9, ad 2. — (3) 2<sup>ae</sup> I. a. 7 ad 2 et 3

necnon illius infallibilitas intactae maneant. Hinc merito Pius X (*Syll.*) propositionem vigesimam secundam e Loisy operibus desumptam damnavit: « Dogmata quae Ecclesia perhibet tamquam revelata, non sunt veritates e caelo delapsae, sed sunt interpretatio quaedam factorum religiosorum quam humana mens laborioso conatu sibi comparavit. » (1)

Propter haec omnia nos, cum catholicis scriptoribus, in praefata quaestione duplicem dogmatis evolutionem distinguimus. Primo est evolutio, in qua dogmatis substantia mutatur, et iuxta quam saeculorum decursu in Ecclesia nova dogmata habentur, quamvis de hisce nihil a Christianismi initio praexistat. Quae evolutio, a Modernistis edocta, (2) ab Ecclesia sapienter damnata fuit. Secundo, est evolutio, in qua dogmatis substantia immutata manet, ita tamen, ut dogma aliquod, quod implicite credebatur, evolutionis virtute explicitius credatur, clarius cognoscatur, clarioribus verbis atque pressiori sermone ab ipso Ecclesiae vivo magisterio enuntietur ac definatur. Huiusmodi dogmatis evolutionem propter facta quaedam, propter rationis momenta, necnon propter catholicorum scriptorum auctoritatem, praesertim Doctoris Angelici, defendendam esse putamus.

Dogmatis catholici evolutio secundo sensu explicata, ex factis quibusdam est defendenda. Dogma ex g. de B. Virginis Mariae Conceptione immaculata in Ecclesia Iesu Christi semper a fidelibus implicite creditum fuit. Temporis progressionem, quidam progressus, quaedam evolutio circa dogma illud habita fuere, substantiaque eiusdem essentia, dogma de Conceptione B. V. Mariae Immacolata, lente gradatimque maiorem evidentiam, lucem, distinctionemque accepit, quoadusque Pius IX a. 1854 per Bullam « *Ineffabilis* » (d. 10 Dec.) declaravit, pronuntiavit et definivit doctrinam, quae tenet « beatissimam Virginem Mariam in primo instanti suae Conceptionis fuisse singulari omnipotentis Dei gratia et privilegio, intuitu meritorum Christi Iesu Salvatoris humani generis, ab omni originalis culpae labe praeservatam immunem, esse a Deo revelatam atque ideo ab omnibus fidelibus firmiter constanterque credendam. » (3) Non fuit nova veritas, sed veritas antiqua, novo modo proposita ad credendum.

Pari modo, dogma de Romani Pontificis infallibilitate, dum ex cathedra loquitur, quamvis a paucis negatum, implicite in Ecclesia Christi creditum fuit. Temporis progressu, dogma huiusmodi sese evolvere incoepit gradatim et lente, quoadusque Vaticanum Concilium clare et solemniter docuit et divinitus revelatum dogma

esse definivit « Romanum Pontificem cum ex Cathedra loquitur, id est, quum omnium Christianorum Pastoris et Doctoris munere fungens pro suprema sua Apostolica Auctoritate doctrinam de fide vel moribus ab universa Ecclesia tenendam definit, per assistentiam divinam, ipsi in beato Petro promissam, ea infallibilitate pollere, qua divinus Redemptor Ecclesiam suam in definienda doctrina de fide vel moribus instructam esse voluit. » (1) Non aliter dicendum est de quibusdam aliis veritatibus dogmaticis, in quibus eadem evolutio idemque invenitur progressus; eadem veritas est, quae propter tamen evolutionem advenientem, progressu temporis, clarius, distinctior, evidenter fit.

Hisce omnibus motiva rationis addi possunt. Secunda illa evolutione adserta salvantur:

a) Dogmatis immutabilitas, quia non iam dogmatis substantia, sed solummodo accessoria illius tangatur, ipsumque dogma idem manet, non secus ac ab Ecclesiae initio fuit;

b) Leges de rerum omnium progressu in melius intactae manent, quia dogma progressu temporis facta, evidentiam distinctionemque maiorem accipit, perfectiusque mentibus aptatur humanis;

c) Lex rursus de cuiusque rei viventis evolutione salvatur; sicut enim res viva eadem semper manens, continuas evolutioni in his quae accidentalia sunt subicitur; ita quoque ipsum dogma idem manens semper, modo tantummodo accidentali atque in his quae accessoria sunt evolvitur;

d) Lex de vocum formularumque mutatione, quibus progressu temporis veritas exprimitur, non offenditur. Voces enim antiquitas ad dogmata exprimenda adhibita, in novas voces, quibus melius aptiusque dogmata exprimentur, mutari possunt, veritate dogmatis immutata manente.

Non alia est catholicorum scriptorum mens. Tertullianus (2) per haec verba « dogmatis evolutionem » secundo sensu acceptam exprimit: « Regula quidem fidei una omnino est, sola immobilis, et irreformabilis... Hac lege fidei manente, cetera iam disciplinae et conversationis admittunt novitatem correctionis... Quoniam humana mediocritas omnia semel capere non poterat, paulatim dirigeretur et ordinaretur et ad perfectum perduceretur disciplina ab illo vicario Domini Spiritu Sancto... Quae est ergo Paracleti administratio, nisi haec, quod disciplina dirigitur, quod Scripturae revelantur, quod intellectus reformatur, quod ad meliora proficitur?... Aspicite ipsam creaturam paulatim ad fructum promoveri. Granum est primo, et de grano frutex oritur, et de frutice arbuscula enititur; deinde rami et frondes invalescunt, et totum arboris nomen expanditur, inde germinis tamen et flos de germine solvitur, et de flore fructus aperitur...

(1) *L'Evangile et l'Eglise*, 302-303; *Autour d'un petit livre*, 189.

(2) Cf. HARNACK, *Das Wesen d. Christ. Viertezehnte Vorlesung*. C. NERI (*L'Imperatore Giuliano Ap. — La discordia del Cristianesimo*): « Nella morale (La Chiesa) era discesa dalle pure altezze del Vangelo e del Cristianesimo primitivo e si era avvicinata allo stoicismo; nella filosofia aveva costruito un grande edificio teologico, adoperandosi i materiali del Platonismo; nel culto, aveva plasmato le sue cerimonie su quelle dei Misteri. »

(3) Denzinger, 1502.

(1) Denzinger, 1682.

(2) *De Virgin. retandis* I. Moxe. 2, 337.

Livia, Drusi filia, Tiberii primum Neronis, deinde Augusti uxor, materque Tiberii Augusti.

Quarto, virtutes Augustorum, ut

MODERATIONI

S . C .

In pluribus Tiberii nummis.

Quinto, opera publica Augustorum, ut

MAC . AVG .

S . C .

*Macellum Augusti*, idest, forum obsoniorum omnium.

Hic nummus Neronis est.

Sexto, liberalitates Augustorum, ut

PLEBI . VRBANAЕ

FRUMENTO . CONSTITVTO

S . C .

Sic in nummo Nervae.

Septimo res ab Imperatoribus gestas, ut

CIVIBVS . ET . SIGNIS . MILIT.

A . PARTHIS . RESTITVTIS

Sic in Augusti nummo inscriptum post recuperatos obsides et signa quae Parthi Crasso abstulerant.

Octavo denique, honores Augustis habitos, ut

ADVENTVI . AVG.

FELICISSIMO

S . C .

#### IX. — DE RERUM PRIVATARUM TITULIS.

Nos inornata et muta a literis munera mittimus: veteres contra nullum prope munusculum sine titulo esse patiebantur. Itaque habes titulos:

I. in gemmis annularibus, ut

AMO . TE

AMA . ME

PIGNVS . AMORIS . HABES

II. in poculis, et pateris, ut

VIVAS . VALEAS . VINCAS

Convivium magnorum Ducum fuisse illud dixeris, in quo pocula victoriae omen inscriptum habent:

HILARE

SEMPER

GAVDEAS

In poculi haec fundo scripta, quod Hilarus conviva pro apophoreto auferre debebat, et eo consilio scripta, ut vino primum hausto legeret monitusque seria contractae frontis explicaret. Titulos huiusmodi in vasorum fundis interius inscribendi mos erat vetus vel apud Graecos. Morem hunc etiam Christiani veteres sequuti, quorum vitrei aliquot calices et sacra habent symbola, et titulos huiusmodi referunt, quos Bonarrotus, ac Boldettus commentariis suis consignarunt.

A . SEPTVNOLENA

PETR . MAISIO

DONO

A. id est Aula. *Petr.* idest Petronio.

Similia habes in tesseris, in armis, et instrumentis bellicis, in lateribus demum, ac tegulis.

#### X. — DE INSCRIPTIONIBUS POETICIS.

Ex quo studia humanitatis, ac litterarum coli vehementius coepta, rarius fortasse in monumentorum titulis versus usurpati, aut certe domi potius, quam in publico propositi sunt.

Qui vero inscriptiones versibus confecerunt, sic fere in Epitaphiis haesisse videntur, ut ceteras res atque argumenta vix carmine digna indicarent. Hanc ipsam vero provinciam poetae nobiles et ingeniosi minus saepe suscepisse videntur. Quapropter nec multa apud ipsum Morellium exempla, nec omnia praeclara reperies. Unum tamen ex Epitaphiis, ex Inscriptionibus Sacris, ex Historicis, ex Elogiis.

##### a) — Epitaphium.

HIC.SITVS.EST.RVTVS.PVLSO.QVLVINDICE.QUONDAM IMPERIVM . ADSEVIT . NON . SIBI . SED . PATRIAE

L. Virginii Rufi laudes persequitur Plinius in epistola ad Romanum. Hic quum Germaniae praesset, legionesque apud se haberet, Iulium Vindicem novis rebus in Gallia studentem adortus magnifice vicerat, delatumque a multis imperium forti animo recusaverat auctor militibus ut Principis eligendi potestatem penes Senatum esse paterentur.

Alia epitaphiorum genera, sive exempla, poetae veteres suppeditabunt, ut elegantissimum illud:

HIC.TIBVRTINA.IACET.AVREA.CINTHIA.TERRA ACCESSIT . RIPAE . LAVS . ANIENE . TVAS

##### b) — Inscriptio sacra.

MERC . SACR.

SVM.DEVS.ALATIS.QVI.CRVIBVS.AETHERA.CARPO QVEM . PEPERIT . SVMMO . LVCIDA . MAIA . IOVI

##### c) — Inscriptio Historica.

QUAM.BENE.CVRVATI.DIRECTA.EST.SEMITA.PONTIS ATQVE . INTERRVPTVM . CONTINVATVR . ITER

CALCAMVS . RAPIDAS . SVBIECTI . GVRGITIS . VNDAS

ET . LIBET . IRATAE . CERNERE . MVRMVR . AQVAE

ITE.IGITVR.FACILES.PER.GAVDIA.VESTRA.QVIRITES

ET.NARSIM . RESONANS . PLAVSVS . VBIQVE . CANAT

QVI . POTVIT . RIGIDAS . GOTHORVM . SVBDERE . MENTES

HIC . DOCVIT . DVRVM . FLVMINA . FERRE . IVGVM

Titulum hunc via Salaria legimus adhuc ad Pontem Anienis, ibidemque alterum, quo versus hi apprime explanantur. Legitur enim Narsetem, devictis Gothis, pontem a Totila destructum, purgato fluminis alveo, meliorem in statum, quam quondam fuerat, renovasse.

Elogium inscriptum statuae Memoris:

CLARVS.FRONDE . IOVIS . ROMANI . FAMA . COTHVRNI SPIRAT . APELLEA . REDDITUS . ARTE . MEMOR

Hoc elogium habes apud Martialem. Titulus epigrammatis est: *De statua Memoris.*

Qui Memoris statuam fecerat, huic vel nomen fuit Apelles, ut veteri statuario apud Plinium, vel adeo praestitit, ut inter statuarios is esse videretur, qui olim Apelles fuerat apud pictores.

(Ad proximum numerum)

# PETRO PARWENSIO COGNOMINE "QUERITORI"

OLONORUM VATI FATIDICO  
CCC RECURRENTE ANNO  
AB EIUS OBITU. <sup>(1)</sup>

«Discordant animi eorum; nunc peribunt».  
«Scit mutare exsecutiones suas Deus; sed mu-  
[temus malitiam nostram]».

IDEM VATES.

*Diva, tu cur gens sacraque arte vatium  
Non simul polles facere, ut sequentes,  
Quae pie dicis, vereamur aequae  
Dicta salutis?*

*Vana Cassandrae dedit ipse Apollo  
Dona, quae Troiae dare secla possent,  
Contumax si, quae per eam canebat,  
Troia patrasset.*

*Non furens virgo haec neque mente capta,  
Sed vocandus sic populus, ruente  
Urbe quem sero puduit deorum et  
Cladis amarae.*

*Sic fuit nobis etiam Polonis  
Nobilis oates Petrus ille Pawenz,  
Voce qua nomen clipeo suum dat  
Lingua polona.*

*Quis viam rectum patriae salutis  
Aptius scivit populo indicare?  
Tam flagranter quis mala praevidere  
Perniciosa?*

*Lacta nunc terrae facies micaret,  
Quam dolor spargit lacrimis amaris,  
Si monente et tum lacrimante vate  
Crimina flessent.*

*Vanae erant voces animique surdi;  
Civis ignavus neque amans querelae,  
Neglegens rectum «Queritoris» ornat  
Nomine valem.*

*Exitum culpae miseri gemunt nunc  
Posteris; num sunt ita doctiores?*

*Tempus o! damno sapientiores  
Esse Polonum. (2)*

*Surge tu, Petrus, repete et laborem;  
Forsitan, quae nos mala sors perangit,  
Aestimare et iam facere obsequentes  
Iussa docebit.*

Varsaviae Polonorum.

IOSEPHUS WABNER.

(1) Universae Poloniae cives in animo habent anno hoc MCXII summa sollemnitate trecentiesimam memoriam Petri Pawenski cognomine *Skorpa* (Queritor) celebrare, qui, ut inter omnes Polonorum historiae guaros constat, non solum orator monitorque aureus et scriptor praestantissimus fuit, sed etiam, civis patriae suae amantissimus, perniciem futuram, nisi civium mores atque licentia corrigerentur, iam plus quam ducentis annis ante divinitus vaticinatus est.

(2) Conf. N. C. Sarbievii odam (IV. 5):

«Me prisca lactat fabula: crescere  
Per ipsa Lechum damna: sed heu! recens  
Ne me repellat fama Lechum  
Damna suis cumulare damnis».

## Stili lapidarii elementa <sup>(1)</sup>

### VIII. — DE INSCRIPTIONIBUS NUMMARIIS.

Inscriptionum nummariarum aliae sunt in adversa nummorum fronte, aliae aversa, omnes vero brevissimae. Et in adversa quidem fronte sunt inscriptiones, vel Imperatorum ut

C. CAESAR. IMP. PONT.

III. VIR. R. P. C.

Vel domus Augustae, ut

TI. CAESAR. AVGVSTI. F.

IMPERATOR. VII.

Septimum Imperator ob totidem victorias appellatus est Tiberius, Augusti filius, qui solus e Privignis, quos adoptarat, superstes erat.

In aversa nummorum fronte habes primo titulos Diis positos, ut

MARS. VICTOR

S. C.

IOVI. CVSTODI

MINERVAE. PACIFERAE

MARTI. PACATORI

Dii saepe in nummis appellantur, aliquando etiam Augusti dicuntur. Erant autem ii, quos Romani Principes aut propitios habere, aut quorum virtutes referre putabant.

Adscriptum est in hoc Galbae nummo, quod in aereis tantum reperietur, S. C. Id ea de causa factum putant eruditi, quod Senatus aes tantum signandum curaret. Hoc falsum putat Morcellius, quod qui Monetae curatores erant, omnes nullo discrimine Triumviri auro, argento, aeri flando, feriundo appellabantur. Cur ergo in aere tantum adscriptum S. C.? Sciendum aliorum nummorum pretium in ipso metallo totum fuisse: aereis vero nummis ob imminutam formam etiam pretium publica auctoritate accedere debuisse.

Secundo, habes in aversa nummorum fronte titulos Imperatoribus attributos:

LOCVPLETATORI

ORBIS. TERRARVM

Hoc titulo ornatum Hadrianum Augustum putat Spanhemius.

S. P. Q. R.

ADSSERTORI

LIBERTATIS

PVBLICAE

Hic est Vespasianus Augustus.

Tertio, titulos Augustarum, et Caesarum, ut

AVGVSTA. MATER

PATRIAE

(1) Cfr. sup. anni num. XI.

Arcadia eiectus, quos versus scribere nescis  
 Arguere, antiquam sic vulpem imitatus acerbam  
 Uvam spernentem..... Scribebam talibus asper  
 Cum sensi bilem paullatim pectore lapsam,  
 Meque ipsum risi. Ingenitos expungere mores  
 Quis valet? Aut quis miretur si rana coaxat,  
 Si crocitat corvus, magnoque incensus amore  
 Si rudis auritus, Maius cum vernat, asellus?

## II.

## De hominum iniustitia et de vulgari plausu contemnendo.

Josepho Pascalio Marinellio,  
 scriptori carminum elegantissimo.

Quaenam pro tanto credis servata labore?

Pane caret sapiens, auro dum stultus abundat,  
 Lautisque accumbit mensis. Has corde querelas  
 Effundens, Ioseph, supremo tempore vitae,  
 Tergis honorato frontem sudore madentem.  
 Sed nihil in terris exstat pretiosius auro  
 Vulgari aut plausu? perituraque cuncta putandum  
 Nobiscum? Vivet, vivet pars optima nostri,  
 Nam cinis addictus tumulo non fama bonorum.

Scilicet adveniet tempus cum luce serena

Facta hominum clare pateant, rectaque nepotes  
 Nos lance appendent. Verax tum pagina nomen  
 Cuique suum insculpet nullum debile in aevum.  
 Quot tunc heroum vilesceant nomina, nigris  
 Obsignata motis, quot nunc miracula vulgi  
 In probrum verti et vitium cernentur, iniquae  
 Ut pateant artes quibus emersere. Curulis  
 Quidnam sella madens lacrimis et tincta cruore  
 Quem furor effudit, dominandi et caeca libido  
 Expressit miseris? Vel quid grex ille nefastus  
 Qui terrae acclinis procerum vestigia lambit,  
 Et recinit mendax positas in fœnore laudes?  
 Iustitiam, clamas..... Cuiam sed ferre querelas?  
 Ad magnas aedes moerentem surgere voces  
 An credis? Vel recta sequi verumque videre  
 Qui loca summa tenent? Nebulis ibi crassior aer  
 Qui sensus hebetat, dum circum callida turba  
 Sese inter tenebras agitat, rerumque potitur  
 Regibus ignaris (1). Congestis undique nummis  
 Interea assurgunt villae, viridaria florent,  
 Ornanturque domus tabulis et divite lux,

(1) Eodem sensu quo Horatius: *Maecenas atavis editæ regibus*. (Lib. I, Ode I).

Auguri et occurrens ridet Tripontius augur.  
 Fortuna in modica siccus si temneris uncto,  
 Mercedes hominum ventosaeque nomina ride.  
 Digna sibi merces virtus, quae pressa malignis  
 Altius attollit frontem nescitque repulsas.  
 Quare animo fortis, culpa nec pallidus ulla  
 Sorte tua gaude, summoque e vertice montis,  
 Musarum Sophiaeque sedes ubi magnus alumnus,  
 Despice vulgares turbas in valle iacentes.  
 Aiunt, «Non complet virtus, non fama crumenas»;  
 At iuris vindex exstat qui temperat aequae  
 Sortes, atque hominum iustus benefacta rependit.  
 Vivit amicitiae sanctum ac venerabile nomen.  
 Haec te per reliquos, quot sint solabitur annos,  
 Haec, effata vale, nutantia lumina condet,  
 Et gelido illacrimans componet membra sepulcro.

P. RECANATESI.

## DE ALIQUOT PUERORUM LUDIS IN ITALIS (1)

## Pila venenata.

Siste parumper, viator! Vides? Quot iuvenes stant  
 veluti in acie circumpositi intentique ora socio tenent,  
 qui tamquam ludorum dux globum pugnantium ordinat,  
 atque rerum initium secernit. Qui animorum ardor! Quae  
 victoriae spes in frontibus emicat! Hinc inde stant  
 pugnaturi.

Ludum, ad quem mox omnes conveniunt, romano-  
 rum sermone adpellabis: *Pilam venenatam*. Nomen  
 enim huic certamini ex eo factum est, quod vix aliquis  
 pila vel leviter tangatur, veluti mortifero vulnere per-  
 cussus, inter mortuos illico adnumeratur, atque a pu-  
 gnantium numero abstrahitur. Potest utique adhuc qui  
 secum luctantur adjuvare, potest impedire ne adversarii  
 pilam in suos emittant, sed ipse tamquam praelio ce-  
 ciderit, extra castra eicitur. Duae acies adsunt: altera,  
 albo signata panniculo, manu pilam lactabit: altera vul-  
 nus evitare parata.

Sed quae omnium contentio, qui clamor, quae pe-  
 dum corporumque commotio! Hic ut pilam recte fiden-  
 tique manu emittat, ille ut studiosè ictum repellat!

Verum cur sistunt? Quid dicam? «Ludus enim ge-  
 nuit trepidum certamen et iras!» Litis acerrima exorta  
 est, animosque hinc inde vocesque acuit. Adsunt et  
 ludi iudices, quibus erunt hae artes, pacis componere  
 morem et solemniter in dubiis decernere qui victor sit,

(1) Paulo *minora* canamus! Ille ego, qui nuper de certamine artium  
 plurima descripsi, quod Augustae Taurinorum gloriose est celebratum,  
 nunc paucula dicere nitar de ludicris certaminibus, quae pueruli nostri  
 identidem, animi causa, agere consueverunt. Post tot rerum solemnia,  
 quis haec humilia dicere vetabit?

## PAROEMIAE SIVE ADAGIA

*Litus arare*

Est sterilem operam sumere. Ausonius ad Theonem:

*Quid geris extremis positus telluris in oris  
Cultor arenarum vates, cui litus arandum?*

Significans eum inaniter laborare. — Huius peculiaris usus erit quum officium impenditur in eum, a quo nihil sis fructus aliquando percepturus. Item alia adagia: *Arenae mandare semina* — *In aqua sementem facere* — *In saxis seminare* — *In aqua scribere* — *Ventis colere*, etc., et etiam.

*Arenam metiri — Undas numerare;*

hoc est: Rem infiniti laboris atque inexplicabilem inceptare. Vergilius utramque paroemiam eleganter attigit libro *Georg. II*:

*Quem si scire velit, Libyci velit aequoris idem  
Discere quam multae zephyro turbentur arenae,  
Aut ubi navigiis violentior incidit Eurus,  
Nosse, quot Ionti veniant ad litora fluctus.*

Videri potest ab Aesopico quodam apologo natum adagium, quem refert Lucianus in *Sectis*, olim quemdam in maris litore sedisse, conantem singulas undas pernumerare; quumque undas undis trudentibus obrueretur, animoque male angeretur quod eas numero complecti non posset, adiens calida valpes opportuno consilio sic hominem sublevavit: «Quid angeris - inquit - propter undas, quae praetereunt? Hinc numerare incipias oportet, illas minas facias».

*Surdo oppedere.*

Surdo oppedere sive apud surdum crepitum edere dicitur ubi quid frustra fit, aut ubi precatur apud stupidos qui non queant sentire, sive quum conviciis incessitur is, qui perinde negligit, quasi non audiat. Refertur a Diogeniano et a Suida.

*Dolphinum cauda ligare.*

In eos qui quidpiam incassum conantur; propterea quod delphinus cauda sit lubrica, nec ea parte teneri queat, aut quod cauda sit valida, cuius agitatione ferebatur et naves aliquando subvertere, ut hac parte esset invictus. Quadrabit et in eos, qui ea via quempiam aggrediuntur, qua nequam possit superari.

*Cauda tenere anguillam.*

In eos apte dicitur, quibus res est cum hominibus lubrica fide perfidisque, aut qui rem fugitivam atque incertam aliquam habent, quam tueri diu non possint.

## HORAE SUBSECIVAE

## I.

De poësi quam Arcadicam dicunt.

*Catero Serranio,  
bonarum litterarum doctore.*

Maxime Musarum cultor Caterve salutem.

Ergone Ventidius risit mea carmina? Vix dum

Hoc a te novi, permagna concitus ira

Arripui calamum scripturus dura: putasne

Clamabam, Maevi, sapiens et clarus haberi

Si cum non valeas doctrina excellere, plebis

Scite auras captas aliorum censor acerbus?

Paucorum fors laude tumes? At mente teneto,

Qui te demulcet, nimis et laudibus effert

Aut parat insidias, aut iam te impune fefellit.

Qui cupit ad magnam meritis ascendere famam

In lucem sua scripta ferat, doctisque probetur.

— Versus Arcadiam redolent. — Invisere dulces

Quis vetat interdum colles et amoena vagari

Per nemora et valles, curis studiisque severis

Pauxillum abruptis? Tua si natura voluptas,

Et quem non rapuit? camporum saepe recessus

Si petis ut valeas animi depellere curas,

Quae bene naturam pingunt cur carmina damnas

Non tibi conveniens? Nugis sonuisse canoris

Quis negat Arcadiam, rupto cum foedere, verum

Non semper pulchro dextram tendebat amicam.

Hoc quoque concedam minimum genus esse poesis,

Utpote quae agrestis, semper conceptibus apte

Induitur blandis; verum hinc damnanda vel aequae

Omnia quae in lucem profert urenda camino,

Seu rem contineant dulcem graioque sapore

Conspersam, aut tantum numeros et inania verba?

Vitam hominis cunctam plena sub imagine rerum

Fingit epos, sed saepe angusto in limite clausa

Scinditur in varias species formasque poesis;

At verum et pulchrum ingenita virtute renident

Sub quavis forma: sed crebro vergit ad imum

Qui medium insequitur. Cum iam permulta severus

Carmina prodiderim, levibus si terque quaterque

Versiculis lusi, terram rumore polumque

Complebis clamans; vel si inter seria parvum

Lenimen quaero non excusatus abibo?

At dum magna crepas, caveas ne forte puteris


## De Sanctis Magis nonnulla

De Magis, qui Iesu Christi incunabula veneraturi Bethleem venerunt, plura eruditi seiscitantur: qui fuerint, unde venerint, quot fuerint, quo tempore Ierosolymam accesserint, et quid de sidere quod illis apparuit; nosque non semel in *Voce Urbis* huiusmodi quaestiones delibavimus. Philosophi, et Divini atque Astronomiae periti vulgo creduntur; additum etiam, Balaam auctorem generis et praecceptorem habuisse, a quo pluribus ante saeculis oraculum pronunciatum (1): « Orietur stella ex Iacob, et consurget virga de Israel, et percutiet duces Moab, vastabitque omnes filios Seth », sive « filios superbiae ». Huic opinioni favere videntur Scripturae verba, quibus Magi ex Oriente venisse perhibentur (2), quum Orientis nomine non raro apud sacros auctores Arabia deserta sive Mesopotamia significetur. Hinc Balaam de se ipso testatur, venisse de Aram - de montibus Orientis - (3), quum tamen ex Pethora, urbe ad Euphratem, venisset. (4)

Arabes, Idumaei et Chaldaei populi Iudaeis orientales sapientiam affectabant (5); hinc apud illos nomen Magi philosophis et sapientibus vulgo tributum. Tertullianus (6), S. Iustinus martyr (7), S. Epiphanius (8) alique plures huic opinioni suo suffragio accedentes, trans Euphratem, sive e Mesopotamia, ut verbo dicamus, ex Oriente Iudaeae, sanctos Magos arcessunt; neque nostrum est eorum sententiam refutare, qui e Perside, Armenia, Aethiopia, vel tandem e tribus orbis partibus - Asia, Africa et Europa - illos repetunt.

Nonnulli autem ex veteribus Patribus credidisse videntur Magos hosce tres fuisse, regnoque in sua singulos regione potitos; in iisque adnumerandus etiam

Tertullianus; putat enim (1) apud Orientales regnum Magis deferri consuevisse; quo nihil incertius. S. Ambrosius (2), seu S. Caesarius Arelatensis, regium illis nomen attribuit, sed vox illa « regis » in textum irrepsisse creditur. Eiusdem rei assertorem laudant etiam S. Cyprianum in sermone *de Baptismo*; sed huius scripti auctorem Arnaldum, Abbatem Bonaevallis, qui aetate S. Bernardi vixit, fuisse constat. Paschasius Radbertus,



Benvenuti Fisci tabula Magorum adorationem referens.

qui in monasterio Corbeiensi saec. ix floruit, rem esse exploratam in historiis ethnicorum tradit, quod Magi regnum obtinuissent. Inter Graecos Theophylactus (3) se eiusdem opinionis esse testatur.

Haec apud veteres luculentissima testimonia occurrunt; cetera quae afferri solent nec liquida satis, nec expressa sunt; recentiorum autem auctoritas parvi est ad rem momenti.

(1) Num. XXIV, 17 — An. a. C. 1447. (?)

(2) Matth. II, 1.

(3) Num. XXX, 7.

(4) Num. XXIV, 5. — Cfr. Eus. in locis Padura. — De adventu Abrahami in « Terram promissionis » agens, ISAIAS (XLI, 2) ait: « Quis suscitavit ab Oriente Iustum? ».

(5) Cfr. III Reg. IV, 30; HIEREM. XLIX, 7; ARDIAS V. 8.

(6) Contr. Iud., I. III contra Marcion.

(7) Dialog. contra Tryph.

(8) Epit. Fidei Cath.

(1) Contra Iudaeos, I. III contra Marcion.

(2) Serm. 139 in Appen. V tom. 8. August. nov. edit.

(3) In Matth., II.

qui recte se gesserit, qui vero male. Horum sententia est absoluta, a qua appellari non potest. Pila enim iacta adversarium percussit an non? Tetigit ne manus, an caput? Quod quidem esset contra ludorum morem. Hinc maxima omnium cura, studiorumque, ut pilam recte emittant, et manibus eam advolantem arripiant iterumque eliciant... Omnes vero student, nituntur, ut pilam evitent, ictumque declinent: qui enim percutere debent, vel qui pilam habere cupiunt ut percutiant, vocibus altissimis eam a suis postulant; hic currit quo propior sit adversariis, sicque eos facilius percutiat; ille longius se confert; itaque adversariorum artem eludunt.

Interea unus caeditur et alter, mox tres vel quatuor. Tunc sarcini undique litis integratur... Omnis terrae locus, in quo certamen istud includitur, pedibus pulsatur, modo hic, modo illic globus luctantium celerrime confertur, mox illi alio velocissime dilabuntur. Quam vero pene omnes vulnerati sunt, ad superstitem socium salvandum undique solliciti conveniunt.

Hand aliter atque apes quae regem moriturum tuerant:

*... fremitu deuso, stipantque frequentes,  
... pulcrumque petunt per vulnera mortem...*

sic ad certamen hunc socium festinantes accurrunt, seplunt, corpore pacis suo contegunt, ne eum adversarii fatali pila sauciant. Quod quam factum fuerit, victores magna vocesque ad sidera tollunt, ac victoriam (si studioso res acta fuerit atque ingeniose) plausu adstantium adclamant.

SUBALPINUS.

## COLLOQUIA LATINA

**Varia petitur facultas egrediendi schola. (1)**

GUSTAVUS. — Licetne, praeceptor, ut ego et patruelis meus eamus domum?

PRÆCEPTOR. — Quid eo?

G. — Ut obviam occurramus patri meo Lutetia redituro sub vespere.

P. — Sed citius est.

G. — Mater domi nos opperitur ad hanc horam.

P. — Ipsa etiam procedet obviam?

G. — Ipsa etiam et universa familia. Famuli praecedunt pedites. Mater nobiscum et sororibus rheda vehetur.

P. — Abi: sit iter felix atque commodum.

G. — Commodum ut sit subvereor.

P. — Quamobrem?

G. — Quia schola exeo onustus....

P. — Qua sarcina?

G. — Argumento scriptionis cras reddendae. O si hoc onere me levaveris!

P. — Quid polliceris mihi?

G. — Futurum ut sarcinam hanc iacturam dupla deinde diligentia.

P. — Per me licet; sed videris mihi fidem serves.

G. — Liberabo apud te fidem meam.

MICHAEL. — Placetne, magister, mihi facere potestatem egrediendi schola?

P. — Quid causae est?

M. — Rure in urbem venit mater mea; condixit locum et tempus quo eam conveniam.

P. — Quid istud opus est?

M. — Ut mater emat mihi libros aliquot necessarios. Raro in urbem venit; occupanda est mihi occasio.

P. — Adfer mihi a matre testimonium in crastinam diem.

M. — Curabo; numquid aliud vis?

P. — Ut meis verbis officiose matrem salutes.

HIERONYMUS. — Hora decima fiet sacrum funebre anniversarium pro avo meo. Iussit me pater interesse; placetne tibi, praeceptor, ut eam? Iam imminet tempus.

P. — Quamnam in aedem sacram iturus es?

H. — Ad Sancti Nicolai.

P. — Properato opus est; abi.

IACOBUS. — Licetne ut adeam ianitorem collegii?

P. — Quid tibi cum illo negotii?

I. — Apud eum reliqui heri chartam et calamos.

P. — Cur accedens hoc mane non resumpsisti?

I. — E memoria res exciderat.

P. — Venisti igitur ad bellum miles sine armis.

I. — Ignosce mihi...

P. — Curras igitur. At prospicias in posterum quibus rebus omnibus opus sit ante scholae initium.

I. — Illic sum et hic sum.

LUDOVICUS. — Magister, emitto sanguinem e naribus placetne exeam schola?

P. — Exi et lava ad proximum fontem aut antiam.

P. — Iam admoniti estis, discipuli, de adeundo hodie templo. Colligite vasa et ad sacrum vos compare.

IGNATIUS. — Peto ut ante alios conferre me possim domum una cum fratre natu minore.

P. — Ut quid?

I. — Quia sacrificio iam ambo inservientes adsumus, et frigore totus rigeo. Insuper procul hinc habitamus: vix domi ad horam licebit, contra, interquiscere et ad scholam iterum expetendum est.

P. — Iam vos missos faciam hac lege, ut pomeridianas praelectiones firmitus imprimatis memoriae.

I. — Callebimus ad unguem. Vale.

(1) Ex dialogorum libro ANTONII VAN-TORRE passim retractavit I. F.

hominibus sacri ordinis tot subtraherentur praesidia ad laudandum Dominum et ad intimos animi sensus ei significandos aptissima, sed etiam quod optabilis illa in orando varietas desideraretur, ad digne, attente, devoto precandum imbecillitati nostrae quam maxime opportuna. Nam, ut Basilius habet, *in aequalitate torpescit saepe, nescio quomodo, animus atque praesens absens est: mutatis vero et variatis psalmodia et cantu per singulas horas, renovatur eius desiderium et attentio instauratur.* (1)

Minime igitur mirum, quod complures e diversis orbis partibus sacrorum Antistites sua in hanc rem vota ad Apostolicam Sedem detulerunt, maximeque in Concilio Vaticano, cum hoc inter cetera postularunt, ut, quoad posset, revocaretur consuetudo vetus recitandi per hebdomadam totum Psalterium, ita tamen ut clero, in sacri ministerii vinea ob imminutum operariorum numerum iam gravior laboranti, non maius imponeretur onus. Hisce vero postulationibus et votis quae Nostra quoque ante susceptum Pontificatum fuerant, itemque precibus, quae deinceps ab aliis Venerabilibus Fratribus piisque viris admotae sunt, Nos equidem concedendum duximus, cauto tamen, ne recitatione integri Psalterii hebdomadae spatio conclusa, ex una parte quicquam de Sanctorum cultu decederet, neve ex altera molestius Divini Officii onus clericis, immo temperatius evaderet. Quapropter implorato suppliciter *Patre luminum*, coŕogatisque in id ipsum suffragiis sanctarum precum, Nos vestigiis insistentes decessorum Nostrorum, aliquot viros delegimus doctos et industrios, quibus commisimus, ut consiliis studiisque collatis certam aliquam reperirent rei efficiendae rationem, quae Nostris optatis responderet. Illi autem commissum sibi munus e sententia exsequentes novam Psalterii dispositionem elaborarunt; quam cum S. R. E. Cardinales sacris ritibus cognoscendis praepositi diligenter consideratam probassent, Nos, utpote cum mente Nostra admodum congruentem, ratam habuimus in rebus omnibus, id est, quod ad ordinem ac partitionem Psalmorum, ad Antiphonas, ad Versiculos, ad Hymnos attinet cum suis Rubricis et Regulis, eiusque editionem authenticam in Nostra typographia Vaticana adornari et indidem evulgari iussimus.

Quoniam vero Psalterii dispositio intimam quamdam habet cum omni Divino Officio et Liturgia coniunctionem, nemo non videt, per ea, quae hic a Nobis decreta sunt, primum Nos fecisse gradum ad Romani Breviarii et Missalis emendationem: sed super tali causa proprium mox Consilium seu Commissionem, ut aiunt, eruditorum constituemus. Interim, opportunitatem hanc nacti nonnulla iam

in praesenti instauranda censuimus, prout in appositis Rubricis praescribitur: atque imprimis quidem ut in recitando Divino Officio Lectionibus statutis sacrae Scripturae cum Responsoriis de tempore occurrentibus debitus honor frequentiore usu restitueretur; dein vero ut in sacra Liturgia Missae antiquissimae de Dominicis infra annum et de Feriis, praesertim quadragesimalibus, locum suum recuperarent.

Itaque, harum auctoritate litterarum, ante omnia Psalterii ordinem, qualis in Breviario Romano hodie est, abolemus eiusque usum, inde a Kalendis Ianuariis anni millesimi nongentesimi decimi tertii, omnino interdiciamus. Ex illo autem die in omnibus ecclesiis Cleri saecularis et regularis, in monasteriis, ordinibus, congregationibus, institutisque religiosorum ab omnibus et singulis, qui ex officio aut ex consuetudine Horas canonicas iuxta Breviarium Romanum, a S. Pio V editum et a Clemente VIII, Urbano VIII, Leone XIII recognitum, persolvunt, novum Psalterii ordinem, qualem Nos cum suis Regulis et Rubricis approbavimus typisque Vaticanis vulgandum decrevimus, religiose observari iubemus. Simul vero poenas in iure statutas iis denuntiamus, qui suo officio persolvendi quotidie Horas canonicas defuerint; qui quidem sciant se tam gravi non satisfacturos officio, nisi Nostrum hunc Psalterii ordinem adhibeant.

Omnibus igitur Patriarchis, Archiepiscopis, Episcopis, Abbatibus ceterisque ecclesiarum Praelatis, ne Cardinalibus quidem Archipresbyteris patriarchalium Urbis basilicarum exceptis, mandamus, ut in sua quisque dioecesi, ecclesia vel coenobio Psalterium cum Regulis et Rubricis, quemadmodum a Nobis dispositum est, constituto tempore inducendum curent: quod Psalterium quasque Regulas et Rubricas etiam a ceteris omnibus, quoscumque obligatio tenet recitandi vel concinendi Horas canonicas, inviolate adhereri ac servari praecipimus. Interim autem cuilibet et capitulis ipsis, modo id maior capituli pars sibi placere ostenderit, novum Psalterii ordinem, statim post eius editionem, rite usurpare licebit.

Haec vero edicimus, declaramus, sancimus, decernentes has Nostras litteras validas et efficaces semper esse ac fore; non obstantibus constitutionibus et ordinationibus apostolicis, generalibus et specialibus, ceterisque quibusvis in contrarium facientibus. Nulli ergo hominum liceat hanc paginam Nostrae abolitionis, revocationis, permissionis, iussionis, praecepti, statuti, indulti, mandati et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli, Apostolorum eius, se noverit incursurum.

Datum Romae apud S. Petrum anno Incarna-

(1) Regulae fusius tractatae, interrog. 37, n. 5.

Quae huius sententiae recipiendae contulisse videntur, verba sunt Psalmi LXXI sanctis Magis accommodata: «Reges Tharsis et insulae munera offerent; reges Arabum et Saba dona adducent»; hisque accessisse a priscis usque temporibus ingenue artes apparent, quae nunquam non Magos repraesentant regum more ornatos; prouti etiam videre est in tabula, quam lectorum oculis hodie subiecit, a Benvenuto Fisci, vulgo il Garofolo, Raphaelis Sanctii discipulo clarissimo, pictam, et in Romana pinacotheca Borghesiana hodie adseruatam.

## ACTA PONTIFICIA

### I.

#### CONSTITUTIO APOSTOLICA

*in breuiario romano disposita.*

#### PIUS EPISCOPUS

SERVUS SERVORUM DEI

AD PERPETUAM REI MEMORIAM

Divino officio compositos Psalmos, quorum est in sacris litteris collectio, inde ab Ecclesiae exordiis non modo mirum valorem constat ad fovendam fidei pietatem, qui offerebant hostiam laudis semper Deo, id est, fructum laborum confitentium nominis eius; (1) verum etiam ex more iam in veteri Legē recepto in ipsa sacra Liturgia divinaeque Officio conspicuam habuisse partem. Hinc illi, quia et Basilii, nata Ecclesiae vox, (2) atque psalmodia, eius hymnodiae Alia, ut a decessore Nostro Urbano VIII appellatur, (3) quae cantitur assidue ante sedem Dei et Agni, quaeque homines, in primo divino cultui adlicitos docet, ex Athanasii sententia, qua ratione Deum laudare oportet, quibusque verbis decenter confiteantur. (4) Palchre ad rem Augustinus: *Ut bene ab homine laudetur Deus, laudavit se ipse Deus; et quia dignatus est laudare se, ideo invenit homo, quem admodum laudet eum.* (5)

Accedit quod in Psalmis mirabilis quaedam vis inest ad excitanda in animis omnium studia virtutum. Etsi enim omnis nostra Scriptura, cum vetus tum nova, divinitus inspirata utilisque ad doctrinam est, ut scriptum habetur;... at Psalmorum liber, quasi paradisus omnium reliquorum (librorum fructus) in se continens, cantus edit, et proprios insuper cum ipsis inter psallendum exhibet. Haec iterum Athanasius, (6) qui recte ibidem addit: *Mihi quidem videtur, psallenti Psalmos esse instar speculi, ut et seipsum et proprii*

*animi motus in ipsis contempletur, atque illa affectus eos recitet.* (1) Itaque Augustinus in Confessionibus: *Quantum, inquit, flevi in hymnis et canticis tuis suare sonantis Ecclesiae tuae rociibus commotus acriter! Voces illae infuebant auribus meis et eliquabatur veritas in cor meum et exestuabat inde affectus pietatis et currebant lacrimae et bene mihi erat cum eis.* (2) Etenim, quem non moveant frequentes illi Psalmorum loci, in quibus de immensa maiestate Dei, de omnipotentia, de inenarrabili iustitia, aut bonitate, aut clementia, de ceterisque infinitis laudibus eius tam alte praedicatur? Cui non similes sensus inspirent illae pro acceptis a Deo beneficiis gratiarum actiones, aut pro expectatis humiles fidentesque preces, aut illi de peccatis clamores poenitentis animae? Quem non admiratione psaltes perfundat, cum divinae benignitatis munera in populum Israel atque in omne hominum genus profecta narrat, cumque caelestis sapientiae dogmata tradit? Quem denique non amore inflammet adumbrata studiose imago Christi Redemptoris, cuius quidem Augustinus (3) *vocem in omnibus Psalmis vel psallentem, vel gementem, vel laetantem in spe, vel suspirantem in re audiebat?*

Iure igitur optimo provisum est antiquitus, et per decreta Romanorum Pontificum, et per canones Conciliorum, et per monasticas leges, ut homines ex utroque clero integrum Psalterium per singulas hebdomadas concinerent vel recitarent. Atque hanc quidem legem a patribus traditam decessores Nostri S. Pius V, Clemens VIII, Urbanus VIII in recognoscendo Breviario Romano sancte servarunt. Unde etiam nunc Psalterium intra unius hebdomadae spatium recitandum foret integrum, nisi mutata rerum condicione talis recitatio frequenter impediretur.

Etenim procedente tempore continenter crevit inter fideles eorum hominum numerus, quos Ecclesia, mortali vita defunctos, caelicolis accensere et populo christiano patronos et vivendi duces consuevit proponere. In ipsorum vero honorem Officia de Sanctis sensim propagari coeperunt, unde fere factum est, ut de Dominicis diebus deque Feriis Officia silerent ideoque non pauci neglegerentur Psalmi, qui sunt tamen, non secus ac ceteri, ut Ambrosius ait, (4) *benedictio populi, Deitatis, plebis laudatio, plausus omnium, sermo universorum, vox Ecclesiae, fidei canora confessio, auctoritatis plena devotio, libertatis laetitia, clamor iucunditatis, laetitiae resultatio.* De huiusmodi autem omissione non semel graves fuerunt prudentum piorumque virorum querimoniae, quod non modo

(1) Hebr. 13, 15. — (2) Homil. in Ps. 1, n. 2. — (3) Bulla «*Dei nam* Psalmorum n. — (4) Epist. ad Marcellinum in interpret. Psalmor. n. 10. — (5) In Psalm. 144, n. 1. — (6) Epist. ad Marcell. cit. n. 2.

(1) Op. cit. n. 12. — (2) Lib. IX, cap. 6. — (3) In Ps. 42, n. 1. — (4) Enarrat. in Ps. 1, n. 2.

III. — Festum S. Stephani Pp. M. insignis Collegiatae Titularis, in tota Civitate Rodigii iamdiu celebrari solet sub ritu duplici I classis cum octava. Quaeritur utrum in tota eadem civitate «Credo» in Missa recitari possit ac debeat.

*Resp.* — Negative et servetur Decretum n. 2189 Perusina, 23 Martii 1709. (Ex decr. d. xxiv mens. Novemb. MCMXI).

#### Ex Secretaria Status.

*Declaratio authentica circa indultum de abstinencia et ieiunio pro America Latina per Secretariam Status editum die I mens. Ianuarii MCMXI.*

Circa Indultum de abstinencia et ieiunio pro America Latina, per Secretariam Status editum die I Ianuarii 1910, ea quae sequuntur dubia revimus. Vicarius Apostolicus Guyanae Britannicae humiliter Sanctae Sedi dirimenda proposuit:

I. — Utrum Nigritae et Indi, qui privilegiis gaudentes per Constitutionem Leonis f. r. PP. XIII «Trans oceanum» concessis, ieiunare tenentur solummodo feriis sextis quadragesimae, Sabbato Sancto et in pervigilio Nativitatis Domini, vi praefati indulti a ieiunio eximantur etiam Sabbato Sancto et in pervigilio Nativitatis D. N. I. C.?

II. — Utrum diebus, quibus hoc indulto frui licet, firma maneat prohibitio miscendi carnes et pisces?

III. — Quatenus affirmative ad II., utrum haec prohibitio etiam Nigritas et Indos respiciat?

SSmus. D. N. Pius PP. X, referente Cardinali a Secretis Status, die xiii mens. Decembris MCMXI, respondendum decrevit:

Ad I. — Sufficenter provisum per art. XIII Constitutionis «Trans oceanum» diei xviii mens. Apr. MCMXCVII, ideoque ambo privilegia seu indulta cumulari posse.

Ad II. — Affirmative, nisi obtineatur speciale indultum apostolicum.

Ad III. — Affirmative ut in II.

### DIARIUM VATICANUM

(Mense Decembri MCMXI).

#### Goram SSmo. admissiones.

Praeter Purpuratos Patres, Urbanos Antistites aliosque viros, qui sui quisque muneris gratia Pontificem de more adiverant, peculiari nota digni sunt iuxta admissionis diem: Manus catholicorum ex dioecesibus Westmonasteriensi, Neo-Eboracensi, Parisiensi ad grates Pontifici agendas ob episcopos suos sacra Purpura honestatos; Thomas Iosephus Shahan, rector catholici athenaei Washingtoniensis; Carolus Badeni, Comes, a secretis Austrorum legationis apud Belgas; Cracoviensis municipii legati qui Romam advenerunt ut novi episcopi sui Adam Sapieha consecrationi, ab ipso Pontifice peractae, adstarent; Pontificia commissio ad Brevariarii Romani reformationem delecta, a r. p. d. Petro La-

fontaine, episcopo tit. Charistien., eius preside, coram adducta; De Pimodan, Comes; Blumensthal, Comes; Armandus Nisard, Gallicae quondam legationi praepositus apud Apostolicam Sedem; Carolus Giustiniani Bandini, Montis Draconis Dux; Gustavus Sardi, Marchio; Sacer Purpuratorum Senatus, Legati omnes exterarum nationum, Pontificiaeque Domus antistites et aulici omnia in novum annum SSmo. offerentes.

#### Pontificiae electiones.

— Decreto S. Congregationis de Propaganda Fide r. p. Iulius Moury e Seminario Lugdunensi pro Missionibus Africae, episcopus tit. Ariassen. et Vicarius Littoris Ebdneii nominatus est.

— R. p. d. Franciscus Maturinus Guichard, episcopus tit. Toronen., inter episcopos Pontificio Solio adstantes recensetur.

— R. p. d. Carolus Algernon Stanley, episcopus tit. Enmausien., et r. d. Carolus Perosi inter Consultores adleguntur S. Congregationis Consistorialis.

— R. d. Orestes Giorgi a secretis S. Congregationis Concilii; et r. d. Carolus Perosi Summi Magistri criminibus expiandis adiutor a rescriptis dicuntur.

#### Varia.

Die xvii mens. Decembris MCMXI SS. D. N. Pius PP. X in Xystino sacello emum. p. d. Caietanum De Lai, Sabinorum episcopum; r. p. Pium de Langogne, archiepiscopum tit. Corinthium; et Adam Sapieha episcopum Cracoviensem. sollemni ritu consecrat.

## ANNALES

### Annus MCMXI

Qui annus hisce diebus praeteriit, gravibus eventibus peculiaribusque notis insignis evasit.

Post tria decennia, — ex quo scilicet inter Russos ac Turcas dimicatum est, — quod nunc cum ipsis Turcis bellum Itali gerunt, primum certamen est magnarum in Europa civitatum, licet extra Europam certisque finibus pugnetur. Ceterum alia quoque nationum Europaearum negotia extra Europam agitantur, ut Mauritana res, Persicae quaestiones et ipsa quae adhuc perdurat rebellio ad Sinense imperium evertendum. Quibus ex rebus facile apparet, Europae politica commoda magis magisque in dies ad sese inter varias orbis regiones diffundendum tendere, indeque effici talem rationum contextum, ut latae conflagrationes possibiles forent, nisi in periculo ipso potens frenum pro pace constitueretur.

Hac de causa anno MCMXI et devitatas vidimus periculorum plenas decertationes, (quarum praesertim illam commemorabimus quae oritura videbatur inter Anglos et Germanos circa Mauritanii problematis resolutiones), et Italiam audivimus sponte profitentem militarem actionem suam certis limitibus iri circumscriptum, ne «status quo» in Balkanicis regionibus perturbaretur, atque, si egerit ne-

tionis Dominicae millesimo nongentesimo undecimo; Kalendis Novembribus, in festo Sanctorum omnium, Pontificatus Nostri anno nono.

A. Cardinalis AGLIARDI

S. R. E. Cancellarius.

Fr. Seb. Cardinalis MARTINELLI

S. R. C. Praefectus.

Loco + Plumbi

VISA

M. Riggi C. A.. Not.

Reg. in Canc. Ap. N. 571.

(Rubricas in recitatione divini officii et in Missarum celebratione servandas ad normam Constitutionis « Divino affatu » in proximo numero referemus.)

## II.

### MOTU PROPRIO

de trahentibus clericos ad tribunalia iudicum laicorum.

Quantavis diligentia adhibeatur in condendis legibus, saepe non licet dubitationem praecaveri omnem, quae deinceps ex earum callida interpretatione queat existere. Aliquando autem iurisprudentum, qui ad rimandam naturam vimque legis accedunt, tam diversae inter se sunt sententiae, ut quid sit lege constitutum, non aliter constare, nisi per authenticam declarationem, possit.

Id quod videmus contigisse, postquam Constitutio Apostolicae Sedis promulgata est, qua Censurae latae sententiae limitantur. Etenim inter scriptores, qui in eam Constitutionem commentaria confecerunt, magna orta est de ipsius capite VII controversia; utrum verbo *Cogentes* legislatores personaeque publicae tantummodo, an etiam homines privati significentur, qui iudicem laicum, ad eum provocando actionemve instituendo, cogant, ut ad suum tribunal clericum trahat.

Quid valeret quidem hoc caput, semel atque iterum Congregatio Sancti Officii declaravit. — Nunc vero in hac temporum iniquitate, quum ecclesiasticae immunitatis adeo nulla solet haberi ratio, ut non modo Clerici et Presbyteri, sed Episcopi etiam ipsique S. R. E. Cardinales in iudicium laicorum deducantur, omnino res postulat a Nobis, ut quos a tam sacrilego facinore non deterret culpae gravitas, eosdem poenae severitate in officio contineamus. Itaque hoc Nos Motu Proprio statuimus atque edicimus: quicumque privatorum, laici sacrive ordinis, mares feminaeve, personas quasvis ecclesiasticas, sive in criminali causa sive in civili, nullo potestatis ecclesiasticae permissu, ad tribunal laicorum vocent, ibique adesse publice compellant, eos etiam omnes in excommunicationem latae sententiae speciali modo Romani Pontifici reservatam incurrere.

Quod autem his litteris sancitum est, firmum ratumque esse volumus, contrariis quibusvis non obstantibus.

Datum Romae, apud S. Petrum, die ix mensis Octobris MCMXI, Pontificatus Nostri anno nono.

PIUS PP. X.

## EX SACRIS CONGREGATIONIBUS ROMANIS

### SENTENTIAE NOVISSIMAE SELECTAE

#### Ex Congregatione Consistoriali.

*Declaratio circa facultatem dispensandi presbyteros ab irregularitate.*

Proposito dubio « utrum, vi decisionis huius S. Congregationis Consistorialis diei 27 Februarii 1909, facultas concedendi presbyteris dispensationem ab irregularitate, sive haec oriatur ex delicto, sive ex defectu, spectet ad S. Congregationem de Sacramentis, an potius ad S. Congregationem Concilii »; SSmus. D. N. Pius PP. X, attentis votis tum a Secretis utriusque Congregationis de Sacramentis et Concilii, tum huius S. Congregationis Consultorum, mandavit ut responderetur: « dispensationem ex defectu reservari ad S. Congregationem de Sacramentis; ex delicto autem ad S. Congregationem Concilii ». (Ex decr. d. xxviii Novembr. an. MCMXI).

#### Ex Congregatione Rituum.

*Dubia circa festum Commemorationis sollemnis SSmi Corporis D. N. I. C.*

I. — Utrum adveniente festo Commemorationis sollemnis Sanctissimi Corporis D. N. I. C., continuari adhuc debeant octavae inchoatae, et an sua octava gaudeat festum aliquod duplex primae classis intra hanc octavam privilegiatam occurrens?

*Resp.* — Affirmative ad utrumque.

II. — An dies octava praefatae Commemorationis sollemnis Sanctissimis Corporis D. N. I. C. excludat duplicia primae classis occurrentia?

*Resp.* — Affirmative, excepto festo SS. Apostolorum Petri et Pauli. (Ex decr. d. xvii mens. Novemb. MCMXI).

#### *Dubia varia.*

I. — Celebrans et ministri, qui in Missa sollemni diei festi Annuntiationis B. M. V. nec non SS. Natalis D. N. I. C. genuflectunt quando a choro cantantur verba: « Et incarnatus est » etc., genuflectere ne debent etiam quando eadem verba simul recitant ad altare?

*Resp.* — Affirmative.

II. — In vigilia Festi alicuius Sancti, cuius nomen continetur in Canone Missae, celebrans debet ne caput inclinare quum idem nomen pronuntiat?

*Resp.* — Affirmative iuxta Rubricas Missalis de Ritu celebrandi Missam tit. V, n. 2.

— d. XII Hispanica regia domus nova principe foemina hodie nata augetur.

— d. XIII Georgius V, Anglorum rex, Delhi, in nova Indorum urbe capite, Indiarum Imperator sollemni apparatu renunciatur.

— d. XIV Anglica vectoria navis *Delhi*, aequoribus vento increscentibus, in syrtis promontorii Spartel offendit. Viatores, inter quos de Fife Duces e regali Anglorum genere, sospites evadunt; nautae vero nonnulli, tum Angli, tum Galli auxilio venientes, undis submerguntur.

— d. XXIII Lutetiae Parisiorum vita fungitur Lannelongue, medicinae doctor insignis; et Barcinone, vix quinquaginta annos natus, Ioannes Maragal, Catalauniae poeta clarissimus.

Horribiles nimbi a Freto Britannico per Galliam ad Mediterraneum mare ingentia damna apportant.

— d. XXVI Paulus Marieton, Narbonensis Galliae criticus atque historicus, praesertim ob Arausiense theatrum reffectum de patria sua optime meritis, Nicaeae ad Varum obit. Natus erat Lugduni, d. XIV mens. Octobris MDCCCLXII.

Genuae repentino morbo corripitur Eduardus Pulciano, illius metropolitanae ecclesiae episcopus, nobili genere Augustae Taurinorum natus d. XVIII Novembris MDCCCLII.

— d. XXX exploratrix bellica Italicorum navis *Nino Bixio*, Stabiae, feliciter in mare immittitur.

— d. XXXI, Genuae, ingenuarum artium aedes ob aerium ignem dispersum et fortuito incensum valde pessumdantur.

## IOCI

### Infirma promissa.

Aes mihi post reditum promittis, stulte, daturum,  
Pro reditu sponde sed, Fabiane, tuo.

### Superbiae.

Aegre, Comode, ferre ais superbos  
Et longe cupis, arguisque semper;  
Sed tu non patiens, reor, superbos,  
Horum maximus omnibus patescis.  
Nam tu non vitium arguis, sed optas  
Te nemo ut superet, tibi vel obstet.

### Locupletatus.

Sollicitae demum vicisti incommoda vitae  
Centum lucratus millia bis quatuor.  
Haec satis ista, quibus stertas vigilesque beatus,  
Ut vitae vincas fata, Cyrille, manet.

### Equos avarus.

Non equitem factum te olim gestabat asellus,  
Quem tibi proposuit, Pamphile, avarities;  
Ecce quod ambieras, munus te exornat equestre,  
Tunc dixi ambitui cessit avarities.

Temet sed contra exornatum munere equestri,  
Me demirato, gestat asellus adhuc.  
Haec quae iunxisti vitiorum, Pamphile, dicam,  
Profecere ut eques sis equitans asinutti.

\*\*\*

Magister et discipulus.

— Hodie mane periculum in lingua graeca tibi minime prospere cessit.

— Dic, quaeso, magister, in quo peccaverim.

— Anacreontem italicè loquutum fecisti, instar temulentuli.

— Atqui servavi personam eius vino deditissimi.

— Ebriosus fertur fuisse ille quidem; tu vero ita exhibuisti, vix ut vestigio suo posset haerere.

## AENIGMATA

I.

Sum verbum? Pòtero te compellare eantheim.  
Sum nomen? Fures a laere pello tud.

II.

Fortis venator peragrabam devia saltus;  
Nunc rutilum caeli sum decus astriferi.  
Principium muta: divinus fio poeta,  
Quem delphin quondam fluctibus eripuit.

F. P.

Ex sociis, qui utriusque aenigmatum interpretationem ad Doctorem IOSEPHUM FORNARI, Commentarii moderatorem (*Roma, via del Governo Vecchio, 96*) miserint intra menses duos, unus, sortitus, gratis accipiet opus, cui titulus:

VINCENTII LANFRANCHI  
DE ORATORIBUS ROMANIS  
ACROASIS

Aenigmata an. XIV, n. X proposita his respondent:

1) S-pica:

2) Ses-tinea-mus.

Ea rite soluta miscrunt:

Lad. Lad. Podobinski, Neo Sandecia. — Dr. Modestus Ketyeih, Konigs. — Aug. Scriban, Iassis. — Zowinski praep., Zerkov. — Lucius Rhaetus, Bucarestino. — Fr. Baturewicz, Zygmira. — Ad. Koslowski, Petricoria. — P. C. Peltenburg, Sactarwond: ad Lugdunum Batavorum. — Alois. Cappelli, Senis. — I. M. Meunier, Corbinaco. — A. P. Gest, Trentonio. — Ioan. Galbiati; F. Arnori, Mediolano. — Lud. Kobiersycki, Levoe. — Am. Robert, S. Ioanne in Canada. — St. Kempa, Strosica. — Ioan. Sismondo, Casali Montisferrati. — Petrus Tergestinus. — Rich. Brondel, Brugis. — Rich. Muller, Berolino. — Iac. Costa, Duxio. — F. Cyrea, Emerita. — Lud. Dubois, Massilia. — Frid. Horwath, Vindobona. — Paulinus a S. Iosepho, Barcinone. — Alf. Martinez, Badaiozia. — Lud. Goux, Bituricis. — Ben. Savio; Barth. Ferraris, Augusta Taurinorum. — Alex. Pintaro; Vincentius Starace, Neapoli. — F. Ricci, Florentia. — A. Bounin, Aureliano. — P. Prado, Venetiis. — F. Guerra, Actio. — Iac. Fernandez, Mexico. — Clem. Fiard, Curia Rhetorum. — Hern. Forgeot, Nicaea ad Varum. — R. Richi, Trainapoli. — F. X. M., Drapano. — Alb. Perraud, Lutetia Parisiorum. — Eug. Dolmar; Mart. Dunne, Neo Eboraco. — I. Ciolli, Popia. — Nic. Lagamina, Pinaro. — Iac. Cordara, Parentia. — I. Martins, Philadelphia. — Ant. Masia, Tarragona. — Alb. Cateau, Lugduno. — Alb. Ksin; Ant. Whiteside, Dublino. — Fr. Xav. Ghion, Ostunio. — Arch. Magliano, Genua. — Iac. Menendez, Madrito. — F. Ortiz, Morelia. — Raim. Silvan, Londino. — Nic. Endrighi, Solisburgo. — Georg. Archambeault, Quebeco. — Fr. Salvatore, Syracusia. — St. Dantas, Natal in Brasilia.

Sortitus est praemium:

MARTINUS DUNNE,

ad quem missa est I. B. FRANCISCA comodia latinis versibus scripta cui titulus:

SATURIO

Sponsor: IOANNES BAPTISTA CIAMPI, iurisperitus

ROMAE — Ex officina Societatis Editricis Romanae.

cessitate, quam vitare non potuisset, impulsam, se tamen curaturam ut belli consecraria quam maxime coangustarentur.

Cuius quidem belli vices Italis favorabiles omnino manent, qui ultra procedentes, hinc ad Lebdae ruinas, inde, post Ain-Zara strenue atque impavide captam, et desertorum limina pervenerunt, seque operibus munitionibusque circumductis seperunt.

Mauritanæ res proclinari videbantur, quum Galli ad Fes urbem expedito exercitu profecti sunt, Higiani Larrache atque El Ksar loca occuparunt, ac Germani Panther bellicam navem ad Agadir portam miserunt. Sequutæ sunt inter Germanos et Gallos, (quibus Angli faverunt), negotiationes; pluribusque difficultatibus, iisque non parvi momenti, hinc inde superatis, ad pactionem illam ventum est, de qua alias mentionem fecimus; quæque a ceteris Europæ nationibus rata habita, nunc Gallici Senatus supremam sanctionem exspectat.

Alia quaestio, quæ, uti supra diximus, tamquam «internationalis» consideranda est, Persidis imperium respicit; idque tum ob præcedentes conventiones pactas inter Anglos, Russos et Germanos, tum quod, valde proximum, Turcarum imperium in ea et ipsam quodammodo implicetur. Contraversia, inter Russiam et Persidem exorta, Russorum arma in hanc regionem adduxit, at, iuxta testimoniationes, præsertim Anglicas, modus aliquis brevi invenietur, quo, specie saltem, Persici Caesaris primatus servetur.

Sinenses cruenti motus, quamquam, si apparentem eorum finem respexeris regiam domum solio detruendi, in imperii finibus contineri putaveris, revera in alias nationes repercusi poterunt, in Iaponiam præ omnibus et Angliam; quæ, si necessitas postulaverit, nihil profecto omittent, ut quaestioni «internationalis» notam attribuant; quemadmodum aliis etiam in casibus per elapsam annum obortis occurrit, uti tractationibus inter Hispaniam et Galliam de Mauritania, commercii foederis inter Russiam et Septentrionalis Americae Foederatas Civitates dirempto; itemque novis pactionibus a Russia cum Iaponia initis de ultimo Oriente; certis denique legibus a Foederatis Septentrionalis Americae Civitatibus, a Gallia et Anglia inter se constitutis de arbitris adeundis.

In quibus omnibus tamen — et in quaestione etiam Cretensi, quæ nihil obstante impatienti civium sollicitudine immutata permansit — quum civilis rationis animus in universum paci confidit, sperandum est et oriente hoc anno ab hac fide ipsum non recessurum.

## PUBLICI PER ORBEM COETUS legibus ferendis

In Anglia novæ latae ab administris testimoniationes de amicitia cum Germania deque consensu cum Russico Imperio de huius iuribus tutandis in Perside; deinde coetus sessio conclusa.

In Austria rationes acceptorum et expensarum pro tempore approbatæ.

In Gallia quamquam de conventionibus cum Germania circa Mauritaniam acriter est disceptatum, suffragia tamen favorabilia administratorum collegio late cesserunt. In Senatu lata lex de operariorum pensionibus reformandis.

In Germania post declaratas ab Imperii Cancellario pactiones cum Gallia de Mauritania, et confirmata amicitiae vincula cum Anglis, publicus coetus dimissus, novaque comitia ad mensem Ianuarium indicta.

In Lusitania rogatio legis oblata de classi renovanda.

In Russia, frustra obsistentibus Polonis, lata lex de nova Polonæ provinciae partitione circa eius administrationem.

In Turcarum imperio rogatio legis a Said, supremo administro, oblata ad Imperii constitutionem ita reformandam, ut liceat Caesari, quum voluerit, publicum legatorum coetum per decretum dimittere, in tantas difficultates incurrit, ut administratorum collegium omne se munere abdicaverit.

## PER ORBEM

Die III mens. Decembris MCMXI, Camberii, vetustum episcoporum palatium, recens inter historica Galliae monumenta adnumeratum, fortuito incendio absumitur.

— d. VII novæ aviationis victimæ in Anglia lugentur, Oxlei et Weiss.

— d. VIII Anglorum rex et regina Delhi in Indis perveniunt, immensa hominum multitudine ovante ac gratulante.

— d. XI Lutetiae Parisiorum Robertus Fleury, et Londini Alfonsus Legros, pictores praeclari, supremum obeunt diem.

— d. X in Atlantico Oceano atra procella furit magna tum navium, tum litorum iactura.

— d. XII Stocolmae solempni ritu Nöbelia præmia huius anni addicuntur: pro physice Guillelmo Wien, Bavarico doctori, ob leges de caloris radiatione ab eo traditas; pro chemice dominae Curie ob inventa «radium» ac «polonium»; pro medica arte Upsalensi doctori Guestrand ob eius studia circa oculi dioptricam; pro litteris Mauritio Maeterlink.

# SOCIETAS EDITRIX ROMANA

**ROMA - Via delle Coppelle, 35 - ROMA**

praeter **Officium nuntiorum et publicae rerum praedicationis, tum**  
**per Italiam omnem, tum apud exterarum gentes, quo facilius satisfaceret**  
**pluribus et Diurnorum suorum, et VOCIS URBIS commentarii sociis et**  
**lectoribus requirentibus consultationes, consilia, explanationes, sollici-**  
**tationes apud forenses aut civiles magistratus, aptum quoque recens**  
**instituit**

## OFFICIUM CONSULTORUM ET PATROCINII,

quod eximiis iuris peritis conceditur.

Huiusmodi officii peculiare munus imprimis datum est, ea apud  
Curias quaslibet et publicas administrationes procurandi, quae in com-  
modum Sacerdotum in eorumque iurium omnium tutelam cedere maxime  
possint, uti parochialium congruarum supplementa, cultualium expensa-  
rum solutionem, regalium placitorum expeditionem, reddituum conver-  
sionem, potestatem hereditatum vel aliarum liberalitatum excipiendarum,  
docendi facultatem, etc.

PRO OMNIBUS

DILIGENTIA IN OPERE - TEMPERANTIA IN PRETIO

## EUPLIUS

(14)

*Actio dramatica a I. B. Francesia versibus senariis exarata.*

EUPLIUS.

Puer, qui ligneas pertentat cuspidis  
 Ictu columnam marmoris perfodere,  
 Val di quondam montes iunxit qui montibus  
 Tiphlaeus vester perperam cum sociis,  
 Est ille Christum nititur qui perdere.  
 Amas si Caesarem, si vis imperium  
 Iure lae dult devictis gentibus,  
 Fit et christiana sancta religio  
 Tradatur cunctis libere nationibus,  
 Colatur undique, clare molestiam.  
 Et illud saeculum quod Saturnus tulit,  
 Beatus reddidit per orbem populos,  
 Redibit denuo! Furta, flagitia,  
 Cuncta quae turbant homines et opprimunt,  
 Disparent subito, quasi ex composito,  
 Una dominetur Christi si religio!

CALVISIANUS.

Satis sed iam datum tuis cantionibus.  
 Ad rem veni! Potui te paucis dicere  
 Si Christum linques, libros si des Caesari?

EUPLIUS.

A me nimis, parvam petis rem; donegem  
 Quam deus fecit, qui terras condidit,  
 Tristes crucis de te, necem asperam tulit.  
 Ad quid? Deam modo, ut salvaret animam.  
 Nunquam ne abo!

CALVISIANUS.

Ergo, tu spernis Caesarem?

EUPLIUS.

Nequaquam!

CALVISIANUS.

Caesar, hanc sectam sequi prohibet!

Sequi sis ipsam, spernis manda a Caesaris!  
 Manent te probra, flagella, supplicium!...

EUPLIUS.

Omnia quae sufferam citra molestiam!  
 Ut utar dummodo Christo in caelestibus.

NONNULLI CIVES.

Oh! magnum virum!

ALII.

Pectus o fortissimum!

SCENA V.

VOLUSIUS et DICTI.

VOLUSIUS.

*(Ingressus citato gradu, et magna voce Calvisiano loquitur.)*

Haec dies sacra Caesaris memoriae  
 Ne deturpetur sanguinis supplicio!  
 Calvis' ane, differ hanc sententiam...  
 Pectore fortassis cogitans in crastinum,  
 Hic mentem mutet! Diem ne macula,  
 Albo lapillo signandam, turpi crimine!  
 Quid in Christianos tu saevire autumas?  
 Obediunt cunctis Caesaris legibus...  
 Opem dant miseris, stipem pauperibus...  
 Suam sed adorant Numen praee ceteris,

Error quidem, fateor, nullis sed noxius!  
 Suis cultoribus pondus est unice.  
 Da tempus, innova datum consilium.

CALVISIANUS *(ad Euplium)*.

Tuis in manibus stabit sententia.  
 Quod ante dixeras, bone Eupli, reprobam!  
 Da gloriam Caesari, adora Numina!

EUPLIUS.

Tibi do gratias, Volusi, plurimas,  
 Mihi quod in rebus ni aris dubiis  
 Dare opem! Sed nihil prorsus optatus,  
 Crede, contigerit, vitam quam ponere  
 Pro Christi placitis, pro Christi nomine!  
 Cur tu, Volusi, clare tot virtutibus,  
 Ignoras admodum Christi sapientiam?  
 Nos laude tollimus Archimedis merita,  
 Quod ipse vitam posuit pro patria;  
 Nos vitam ponimus laeti pro fratribus,  
 Pro Christo; nobis fecit se victimam  
 Suoque seculum redemit sanguine.

MAXIMUS.

Desine tandem loqui. Fateris Caesarem?

CALVISIANUS.

Negas Deum Christum? Antea errasse praedicas?

EUPLIUS.

Christi volo fidum vivere discipulum!

MAXIMUS.

Adhuc moremur hic?

CALVISIANUS.

Loquatur gladius!

NONNULLI ETHNICI *(tumultuatim)*.

Mori debet!

MAXIMUS.

Quod iussa fregit Caesaris!

CALVISIANUS.

Rebellis Caesari, damneris capite!

SUPRADICTI ETHNICI.

Damnetur!

EUPLIUS.

Catani, morior sed innocens,  
 Et omne vobis donum adprecans a Deo!  
 At usque amplector libros, vos, carissimos,  
 Meoque martyris conspergo sanguine.

ETHNICI.

Sile.

MAXIMUS.

Impius damnetur ad supplicium! (1)

VOLUSIUS.

Ehu! quo vos partium ducit, cives, odium!  
 Erit quis iustior? Sanctior Euplio?  
 Et occidistis! Heu! Quod vituperium!  
 Tentamus opus omnium novissimum. (2)

*(Ad proximum numerum.)*

(1) Milites ducent Euplium extra scenam ad supplicium.

(2) Citato cursu introgreditur suprema acturus in libertatem Eupli.